

福建續志卷六十九

列女十一

汀州府

國朝

節孝

楊氏鄒欽榮妻。幼聰慧。承順父母。年十八。適欽榮。事翁姑孝。年二十四。夫歿。水漿不入口者六日。矢志守貞。足不踰閩。教子有方。守節四十年。年六十四卒。孫國啓妻。陰氏。事祖姑以孝。相夫以義。年二十而寡。孤子甫數月。仰事俯育。曲盡孝慈。守節二十

福建續志

卷六十九

列女十一

五年卒。人稱一門雙節。

伍氏生員洪基女。秉性貞淑。年十五。歸曾春璠。奉翁姑無間言。嗣春璠病。氏日夕侍湯藥。夫故。氏甫二十五。痛絕粒者數日。遂矢志。孀守勤紡績。以代養。撫子。對補諸生。乾隆間旌。

朱氏邱恩選妻。年二十于歸。以孝謹聞。恩選病。氏勤女。紅以助藥資。二十八。夫歿。家赤貧。氏父母欲令改適。氏卽痛哭毀容。依伯氏。奉翁姑。伯氏又卒。繼嗣復絕。影隻形單。終始不踰節者二十一年。乾隆間旌。



劉氏雷名揚妻十九歸名揚翁姑已故氏克盡婦職生子殤二十六夫故氏念祖父母尚存恐無以養矢志孀守迨夫弟侄繼歿夫嗣乏人氏熒熒一身忍饑勤績留有餘以為祖父母養生送死之費孀守三十三年乾隆間旌以上寧化

伍氏劉欽向妻永康令可願女年十六于歸二載夫亡舅姑已老夫弟尚稚孤兒在抱氏惟紡績以孝養守節四十年雍正間祀節孝祠

鄧氏余焯妻年十六于歸二載而夫喪事育兼至苦節四十二年

福建續志

卷六十九

列女十一

二

伍氏庠生裴方恒繼室方恒卒欲從死既而曰吾初歸夫已宿疾護之十年早知此身當老死孀幃矣前婦子幼育孤吾責也黽勉治喪哀而衷於禮子起蛟孫敏生徽生皆諸生

李鑑金伍翰生妻年十六適翰生二載而寡遺孕五月或憐其幼以微言嘗之氏以死自誓食貧茹苦撫孤有成孫文運成進士

雷氏伍如松妻夫死家貧織紡育孤以苦節著子利仁諸生

徐氏雷崑侯妻年二十四夫死奉姑育子守節五十



年

雷氏鄧晞妻年二十六夫死欲身殉舅始勸以立嗣存祧乃毀容勵節育孤有成

黃氏鄧昉妻年二十四而寡與姒雷氏冰霜競潔人稱雙節

孫氏李聯章妻年二十九夫卒忍饑撫孤事舅姑以孝聞乾隆間旌

王氏英應昌妻年二十九夫歿奉姑育子足不出戶者六十年以上清流

曾妙珠楊勤繼室歸一載而夫歿前妻遺二子氏紡

福建續志

卷六十九

列女十一

三

織以育之卒至成立孫喬曾孫有齡元孫岳皆舉於鄉人稱母德云

梁氏羅文耀妻年二十一而寡以節自矢及病草出髮一絮曰此汝父所與我永訣者死則置我棺中子開先諸生

官氏李希仁妻年二十八而寡長子君平為寇所掠氏罄產以贖食貧茹苦處之晏如卒年八十五

邱氏監生謝良鵬妻年二十四夫亡孝事三姑教育諸子俾克有成年六十九卒

謝氏李如岐妻如岐歿氏年二十六勵節育孤以至



於成

梁氏庠生葉常釗妻年二十二而寡夫弟歿與其姊共守後兩姪及孫相繼夭三婦皆青年守志人稱一門五節

余氏曾伯起妻年二十五夫卒遺腹生一子舅姑憐其幼微諷之氏以死自誓守節四十三年卒  
賴氏諸生余自達妻年二十六夫死事舅姑育孤子守節三十餘年

余舒娘揭長生妻年二十六而寡欲以身殉因親老子幼忍死支持家事勤紡績以易米薪孝於姑篤

福建續志

卷六十九

列女十一

四

於族和於鄉里教子有成守節四十餘載乾隆間

旌以上歸化

錢氏周廷瑚妻年二十七夫客死氏聞而觸柱以救甦姑泣慰以楮孤爲孝遂以節終

羅氏周天銘妻年二十二守節績紡上奉三世訓孤子以義方里稱賢孝

蕭氏賴昌貴妻年二十二夫死建寧舅姑陰許黃姓誑以母病使歸至彭坊橋始覺乃出輿大哭割髮爲誓饑寒困苦至死無怨言

陳閨玉李家禎妻年二十四而寡欲以身殉姑苦勸



乃止勵節六十年

楊金秀傅良种妻年十九夫死紡績養姑以節孝聞  
楊寶金李席珍妻事姑孝姑病禱於神有異蹟人皆  
異之

錢氏江九廸妻年二十三而寡矢志守貞撫夫兄遺  
孤如已子長為娶婦年九十卒

魏氏許聘吳人岌人岌家貧不能娶不知所之氏聞  
姑病無依遂奉姑命來歸後姑卒殯葬如禮年五  
十餘未嘗見夫面絕跡母家食貧以老

王氏陳懋誠妻年二十五夫死自投池中以救免姑

福建續志

卷六十九

列女十一

五

生 染瘋疾背負出入無怨言卒年六十七子驚海諸

張淑貞項科寶妻年十七歸項一月而寡茹苦育嗣  
孤以節終

鍾德金項兆珠妻年二十夫死紡績鞠孤苦節數十  
年

梁氏謝應橋妻年十九夫死孤永奕方三歲次僅彌  
月家貧灌園自給永奕娶婦揭氏生四子而亡姑  
媳相依俱年八十餘卒

李潤童祖榮妻年十七歸童二載而寡艱貞五十二



年

沈氏童尚鴻妻夫貧早逝氏并日而食延息三十餘年子業商家漸饒裕氏勗之以多行善事遂於三望坪虎忙嶺建亭砌路以利行人

謝氏童亨盛妻年十六歸亨盛甫一載而夫死足不出戶忍死養姑

謝氏張瑞河妻年二十而寡矢志育孤年七十二卒  
乾隆間 旌

羅氏謝恩拱妻夫死誓不欲生勉承姑命以撫藐孤  
守節六十餘年乾隆間 旌

福建續志

卷六十九

列女十一

六

沈氏謝恩振妻年二十一而寡立姪承祧守節三十一年乾隆間 旌

錢氏羅其超妻夫死家貧績紡奉舅姑子獻朝為諸生乾隆間 旌

陳氏羅立兆妻年二十二夫歿食貧作苦奉姑以孝苦守四十餘載乾隆間 旌

黃茂香項瑤妻年十八而寡有欲奪其志者氏貞操自勵育孤有成孫文鳳人龍俱諸生

余順羅魁元妻魁元未婚客死氏年十六誓以身殉  
兄公尚志許以撥田立嗣乃矢志撫孤卒年七十



童氏黃孫震妻歸二載而夫卒家貧子幼或諷以它適氏泣曰黃氏僅一綫之孤或有二心三世之鬼餒矣恐死鞠孤人欽苦節

陳氏羅應元妻年二十四夫卒事嗣姑以孝聞雍正丙午歲祲氏令其子麟光出所有以賑饑年七十郡守曾曰瑛旌以節孝

傅氏湯朝鰲妻年二十五夫死飲水茹苦六十餘年華氏蔣心洽妻年十七于歸一載而寡勵志苦守

項氏湯仙五妻年二十一夫死孝事耄姑足不出戶  
福建續志 卷六十九 列女十一 七

吳氏蔣心浹妻年十六未嫁而夫病父母遣歸蔣侍湯藥未幾夫亡恐傷舅姑心吞聲忍泣以教嗣子  
補弟子員

張素清李兆驤妻嫁甫三月夫客死矢志育嗣六十餘年

羅氏黃孫芹妻年十九夫死育遺孕松度松度復天婦童氏年二十一奉姑以終時稱雙節

黃瑛謝霞龍妻年二十四夫死家貧紡績度日孀居五十餘年

黃氏陳兆璿妻年二十一而寡奉姑育子守志以終



伍梅魁江學洙妻年十九適江盡婦道夫歿自縊以救甦姑泣勸乃強存餘喘苦節數十年

黃婦英陳兆洙妻年十五歸兆洙十八而寡奉姑育子以完節稱

李氏謝占熊母年二十一夫卒矢志守節數十載不出戶庭

李氏黃學成妻夫早夭氏奉姑育子守節四十九年李氏童佩誠妻二十四歲而寡食貧守貞育孤成立事翁姑孝敬無違乾隆間旌

羅氏謝售妻歸謝數年而夫卒悲憤嘔血孝事舅姑

福建續志

卷六十九

列女十一

八

撫遺腹子慈而能誨以至有成乾隆間旌

劉氏黃孫琳妻年二十而寡矢志撫孤子蓮諸生

楊氏邱龍全妻夫死年十八守節六十三載

李氏謝聖恩妻年二十一夫歿矢志守節以古節婦

自範數十載足不踰閭乾隆間旌

以上連城

傅氏袁某未婚妻某死奔哭極哀誓以死殉翁姑曲

慰之氏執禮孝養終完其節

吳氏羅誥甫妻年二十而寡子天祺爲諸生吳乃見

齒一笑五十年未嘗有也

葉氏邱龍德妻龍德贅於武平葉姓甫九旬而逝氏



身利富室。賢。迫令改適。氏誑以夫骸得歸。塋惟所命。兄與之歸。謁邱氏祠。旋迺寧家。氏操刃自矢曰。今日乃得爲邱家鬼。如苦相強。有死而已。居小樓。以紡績所入。塋夫。先塋側。厲節四十年卒。

黃氏。監生邱埏妻。夫死守節。有夫族孀婦。貧無依。衆勸其改志。氏給粟布二十餘年。俾以節終。雍正丙午。乾隆丁卯。歲饑。賑粥捐百金於宗祠。供子姓膏火。孫德孚爲諸生。

邱氏李瓚妻。年十五歸。李二十一而寡。爲夫立嗣。事耄姑盡孝。乾隆間旌。

福建續志

卷六十九

列女十一

九

游氏鄒學聖妻。年二十一夫亡。事舅姑育遺孤。以節孝聞。乾隆間旌。

陳氏丁粹詣妻。年二十六夫亡。事舅姑盡孝。姑病爲之舐目守節。四十六年。乾隆間旌。

邱氏羅廷棉妻。十七歲于歸。善事祖姑。越五載夫歿。苦節自矢。乾隆間旌。

賴氏江懋堅妻。夫夭。遺孕生男。撫育有成。孀居三十。五載。乾隆間旌。

邱氏莫賢祖妻。年十八歸。莫二十七日而寡。屏絕膏沐。言不出閫。歷三十餘載。乾隆間旌。



邱氏吳玉如妻年十八歸吳二十一而寡撫孤孤天  
撫孫守節歷六十五載卒

孫氏張珮妻事姑以孝夫卒無子氏矢志不二雖饑  
殮不繼沒齒無怨言

胡氏郭連叔妻年十七歸郭十九夫亡姑老遺孤四  
月紡績以供事育後孤復殤爲夫立後兼哺幼姪  
歷五十年足不出閩

賴氏諸生詹大謀妻大謀赴鄉試道卒家貧無子氏  
痛不欲生旣而曰吾不苟延視息老姑何依且吾  
死誰爲夫立嗣者杜門紡績女子四人俱擢士人

福建續志

卷六十九

列女十一

十

嫁之聞夫有姪客於粵偕弟往招之還姪不可氏  
痛哭而歸賣志以歿

林氏郭日恒妻年二十六夫歿氏勺飲不入口數日  
強延一息奉姑教子卒年八十一乾隆間旌

張氏劉常信妻早歲夫歿矢志撫孤苦節四十二年  
卒乾隆間旌

石氏陳尚仁妻年二十一夫亡翁姑白首稚子呱呱  
仰事俯育氏以身支柱守貞完節卒年六十二

乾隆間旌

劉氏貢生葛建春子裔商未婚妻裔商病歿氏誓志



奔喪撫嗣子入成均。父母晚年喪子無依。氏生養死葬立祭。田俾族人歲祀。年五十二卒。乾隆間旌。

林氏劉能光妻十八孀守奉姑必備甘旨訓督嗣子有成守節三十五年

羅氏郭英度妻十八歲而寡遵英度遺言以奉親撫嗣為任孝慈兼盡乾隆間旌

羅氏陳同姚妻十八孀守事翁及繼姑盡禮教子義方乾隆間旌

陳氏郭萬都妻二十三夫歿守節四十四年萬都弟

福建續志

卷六十九

列女十一

十一

廷品妻嚴氏十八于歸未數月夫歿守節四十四年妯娌雙節乾隆間旌

張氏黃兆甲妻夫歿矢志勿貳歷四十九年子棉妻葛氏十五歲歸棉二十三而寡守節三十年姑媳

兩世勵節乾隆間旌

丁氏林雲光妻二十四而夫歿事翁姑克盡婦道教子有成守節四十年乾隆間旌

何氏諸生羅廷萊妻廷萊夭守者三十餘年舅始塚為豪家掘佔氏訟之官得復塋焉以上上杭

王雪姑周大千妻年十七于歸越二載夫亡守節不



二六十一卒乾隆間 旌

徐氏危其樑妻年十九歸危越數載夫亡紡績撫孤  
苦節不渝卒年八十乾隆間 旌

張蓮玉練在涓妻未婚而夫病氏泣告父母趨侍湯  
藥嚙指禱天願以身代夫亡夫亡矢志節乾隆間  
旌

程氏監生周協翰妻年二十而寡矢志撫孤卒完其  
節乾隆間 旌

劉氏王錫琨妻年二十二而寡矢志撫孤有成卒年  
六十三

福建續志

卷六十九

列女十一

十三

李氏林維繪妻年十九而寡孤生僅數月恐死撫育  
歷節數十年子楸敏河州州判

丁氏監生石紫城妻年二十七而寡遺腹生子矢志  
撫孤苦節三十餘年乾隆間 旌

梁氏庠生練懷釗妻年二十二而寡紡績撫孤苦節  
四十餘年

李鶴齡林景雲妻年二十六夫亡無子矢志撫嗣年  
六十卒

李氏王國壽妻年二十八而寡家貧子幼紡績以事  
舅姑



李德滿鍾超妻二十七歲而夫亡敬事祖姑及姑以  
孝節聞

脩蓮秀監生李漢妻年二十八歲而孀居勤儉撫孤  
守節三十年

陳氏熊瀆妻年二十二夫歿事姑盡孝及歿喪葬以  
誠教子以義方乾隆間 旌

林氏鍾寧來妻年十九而寡婦代子職奉舅姑必誠  
必敬守節六十年

劉氏熊瀾妻早歲夫歿守節四十四年乾隆間 旌  
謝氏邱廷宴妻二十一歲孀守承歡養翁涓髓必潔

福建續志

卷六十九

列女十一

十三

課藐孤成人守節六十八載乾隆間 旌

朱氏李奉賓妻年二十一夫歿食貧勵操苦節三十

九年乾隆間

旌

以上  
武平

賴氏鄭仲敏妻年十九夫死事舅姑育孤子茹苦數  
十年乙卯城陷孤被難悲痛而卒祀節孝祠

蕭氏賴希禹未婚妻希禹卒氏奔喪爲夫立後乾隆  
間 旌

吳氏江朗辰未婚妻年十七氏聞訃奔哭舅憐其幼  
且家貧不忍留氏曰餓死事小失節事大志已決  
矣舍此何之遂紡績育嗣孤四十餘年苦節乾隆



間旌。

吳氏鄭閔妻年十六歸鄭二十而寡白首完操乾隆間旌

湯氏廖敏求妻年十六于歸甫一載而夫卒艱貞自矢若數十年

張氏鄭乃和妻年十九夫卒立嗣嗣復天與媳共守足不踰閩乾隆間旌

嚴氏盧崇任繼妻年十八歸崇任三載而寡上奉孀姑下鞠嗣子歷五十九年備嘗荼苦子效平為諸生乾隆間旌

福建續志

卷六十九

列女十一

十四

廖氏盧子岡妻年十五嫁子岡七載而寡守節四十餘年

張氏溫攀桂妻年十八夫死冰操數十年

王氏盧朝策妻夫亡為立嗣以節終

羅氏吳山進妻年十九夫卒苦節四十餘年

吳氏江三楹妻年二十四而寡事姑盡孝乾隆間旌

盧氏熊邦彥妻年二十三而寡茹荼守節孝義兼盡乾隆間旌

李氏貢生熊錫應妻年二十孀居撫子成立



孔氏熊光烈妻年二十一孀居兩世冰霜竝以節著  
童氏生員蕭化龍之孀母年二十四孀居撫孤成立  
上事翁姑菽水無缺中處妯娌和敬有加以上永  
載  
縣志

已經 旌表節孝

丁氏曹潤妻 鄭氏儒童李天元妻 黃氏儒童戴

鏞妻 涂氏儒童曹望祚妻俱乾隆間  
旌以上長汀 邱氏官曰

度妻 陰氏劉豹文妻 鍾氏熊嘉謨妻 伍氏曾

春琬妻 伍氏伊肇晉妻 謝氏巫近瞻妻 伍氏

儒童曾宗琬妻俱乾隆間  
旌以上寧化 伍氏雷仲祥妻乾隆間  
旌清流

福建續志 卷六十九 列女十一 五

林氏郭日恒妻 張氏劉常信妻 石氏鄭尚仁妻

貞女劉氏 黃氏陳興宗妻 邱氏鄭圖南妻

張氏陳科元妻 王氏陳鴻生妻 羅氏闕學洙妻

俱乾隆間  
旌以上上杭 藍氏潘露龍妻 石氏蕭苞九妻 鍾

氏王廷英妻 鍾氏周容妻 王氏林沐妻 鍾氏

熊嘉謨妻 鍾氏何士元未婚妻 王氏儒童鍾衍

舍妻 謝氏儒童鍾翰鳳妻俱乾隆間  
旌以上武平

貞烈

梁氏舉人胡祖熹妻崇正甲申避亂為賊所逼墜城  
而死其屍中流矢瘞之日鏃猶歿於項



陳家婦未詳其氏順治丙戌城陷匿空舍中爲游騎所掠擁馬上行次女墻躍墮城下死

陳淑完劉任國妻順治初避兵外家臨行與家人訣曰脫有不測當以死殉及城陷被執抱女投河不獲復投深濠中騎抽刃刺之而死

胡氏郝爾黯妻順治丙戌避兵聽松樓爲騎所獲墜城下溺廁死

鄒氏生員馬大任妻翁姑早背夫死無子蓋棺後自經以殉同日發引聞者爲泣下

張氏李殿鳴妻年十八海寇陷城被執欲污之氏不

福建續志

卷六十九

列女十一

十六

屈身中三刃而死

張氏諸生王際盛妻順治間際盛欲挈氏避山中氏曰四郊荆莽笳角驚人出不免辱吾寧守此際盛強之行氏遂投廁中死張有嫂不知其姓亦不辱而死

汪氏劉純錫妻年二十四夫死絕粒家人苦勸以育孤防護甚密氏恐不得殉乃佯作自寬狀至六十一日服毒死

梁氏鄭驍妻年十九夫亡無子絕粒而死

以上長汀

謝氏邱澍妻順治丙戌田仰潰卒道經泉上里遇氏



欲擁之去氏據地痛罵騎取佩刀刺之未殊遂援  
林柯自縊死

傅氏張春雨妻事祖姑及姑以孝春雨疾草與氏訣  
曰吾無子不忍累汝氏誓相從地下及卒吞金投  
繯求死屢不獲伺家人防稍疎遂自縊

夏氏陰寧曉妻年二十一夫卒家貧無子遂自縊死  
伍榮巫士龍妻士龍疾亟許以身殉後鄰家失火逼  
所居兄弟挽之去氏曰夫柩焚與俱焚耳去將安  
之火亦隨滅及喪至四十九日卽沐浴更衣自縊  
死

福建續志

卷六十九

列女十一

七

施氏黃鼎世妻黃病卒氏年二十四無子俟夫塋畢  
卽飲藥家人多方救解卒不聽而死

陰湘燮理女適里人伍立翮夫亡閉戶自經翁泣喻  
以立後乃止孤復不育遂悲鬱而死時年二十五  
王氏監生伊葵妾年十四侍葵十五載主君亡投繯  
死乾隆間旌

張氏年十四適陰元吉時元吉已病蠱篤甚值鄰失  
火延所居氏扶夫不起遂與夫同燼

吳氏陰永琰妻永琰卒無子氏仰藥死

以上寧化

余氏雷酉生妻年二十三夫卒治喪殯營窀穸及葬



遂自縊死

趙氏伍敦倫妻年十八夫卒投繯繩斷不死遂服毒家人苦救氏咬齒噴藥卒以身殉

易州知州李文耀繼妻民覺羅氏有陳三觀者強行拉姦氏堅不從將陳三觀登時戮死忿激自縊守正不污捐軀明志乾隆間建坊旌表以上清流

揭員娘謝兆基妻氏父卒繼母楊氏遺腹兩月有利其產而逼之者楊以死誓卒生子氏左右其間順治四年賊劫蓋洋兆基遇害員娘抱夫屍大哭罵不絕口賊併殺之

福建續志

卷六十九

列女十一

六

江氏舉人曾唯道妻順治初山寇竊發攻黃牛砦氏被執罵賊而死

梁氏吳可章妻順治初廣寇攻城氏即以死誓及聞砲聲震地疑城破遂自縊

魏敬娘羅茂端妻順治五年為流寇所擄大聲罵賊同繫者或勸之氏聲益厲遂被害

黃三媽賴章竣妻歸五載而夫歿遺一女欲以身殉舅姑苦勸乃止越四載外戚脅令再嫁氏聞其已受聘訂期遂自縊死時年二十六以上歸化

林仙月諸生江燦妻順治丁亥土寇陷城氏義不受



辱遂縊死及賊平已一月方就斂顏色不改

桑連姊傅汝璧妻順治丁亥山寇陷城氏攜女三姑

投蓮塘死

李氏周廷詔母順治丁亥山寇陷城李曰命可舍身

不可辱偕媳林氏抱幼子投學池死

李官娥林德妻順治丁亥寇陷城官娥不屈自縊死

楊辛秀年十五許字張昭昭未婚而卒氏聞之投水

死

吳桂英李兆壅妻夫卒舅姑欲令改適遂飲藥死

李蘭金張鄭保妻年二十二夫死於水舅姑奪其志

福建續志

卷六十九

列女十一

十九

氏佯諾拜夫墓歸飲藥死

李細娥張友泉妻事舅姑盡婦道夫卒自縊死

賴氏張子裕妻年二十二夫卒自縊死塋後三年墓

產靈芝

鄭氏張愧蘇妻年十八夫卒氏哀而不哭夫殯殮畢

自縊死

李佛吉童佛元妻童未娶而卒氏麻衣踊哭求歸童

母弗許遂絕粒十日死

曾寶蘭羅周士妻年十八夫亡無子塋夫畢遂自縊

族人義而葬之明年塚上遍生蘭花



楊周蓮羅宗萬妻年十九于歸二十四夫死有遺孕  
舅姑欲奪其志氏截髮自誓生子復不育遂自縊

死以上連城

劉氏鄧挺生妻康熙初賊劫中都氏被掠據地大罵  
賊縛而昇之行數武縛解復罵益厲遂遇害

何氏未詳其夫康熙乙卯為流寇所執以手抱柵欄  
賊曳之不動乃斷其指引去罵不絕口比臨溪推  
賊墮水中其黨大怒交刃裂之

張氏傅速妻夫病羸氏傭織以供夫及沒自縊兩柩  
並瘞越歲而墓合

福建續志

卷六十九

列女十一

三

李氏王永龍妻永龍出耕遇強隣藍佛妹逼污之不  
從脅以刃氏拒益力被創數刃死乾隆間 旌

張氏葉青山妻張歸寧鄰人曹應長闖於塗欲污之  
氏力拒奔田夫家羞忿自盡乾隆間 旌

吳金姑黃起鳳未婚妻年十九夫死訃至乞奔喪父  
母不許且密防之越二十五日乘間自縊死以上上杭

鍾氏聘李生天父母欲改字女矢貞不二夫發引日  
投繯以死

曾氏庠生練斯騰妻年二十二夫亡氏念夫柩未厝  
忍死營塋延至三旬卒不勝哀以侷藥死



鍾洋娥李慶龍未婚妻慶龍亡氏年甫十八訃聞哀痛告辭父母自往婿家哭奠如禮遂吞金死乾隆間旌。

鍾七姑羅聖龍妻年二十夫亡無子凡喪葬之事悉以身任及卒哭絕粒而死以上武平

吳氏武舉鄭道紹妻嫁四載而夫亡越卒哭絕粒死

吳氏廖佩星妻歸廖未二載而夫歿哀泣營殮事畢

自縊以殉乾隆間旌以上永定